



2 III III

Georg 871

+




Georgs-B.

404



m andern
ben kan/

n/das yhr
nser ding
er da hat
der verlas
eselh euch
n die seyn
itter auch
n das ich
pisten zu
/das ich
Ich byn
ig als ich
is geprech
olt billich
olt. Seyt
gnade sey



Widder das blind
vnd toll verdammis der sie-
benzehen artickel von der
elenden schendlichen
vniuersitet zu In-
golstat aus-
gangen.

Martinus Luther.

Item der Wiener
Artickel widder Paulum
Speratum sampt sey-
ner antwort.

E
vnd d
M. 2
vnd b
schick
nicht
rem fe
chtet.
auch a
haben
müs ic
liche b
stlichen
solche
vnd ge
D
lassen a
kunst v
Gottis
stercke
tis wun
zu erhö
solcher
eyn igli
befolhe
derung



Martinus Luther allen lieben
Christen/ Gnad vnd frid ynn Christo.

Aist vnter dem namen der
elenden vniversitet zu Ingolstad ynn bey-
ern ausgegangen eyne zedel mit siebenzehent
Christlichen artickeln von yhnē verdampt/
vnd durch yhren mordlichen freuel vnd zwang/ von
M. Arsatins Sehouer widerruffen. Vñ ist yhr grund
vnd beweyfung so gar vber alle masse toll vnd unge-
schickt/ das ich sampt ettllichen andern verstendigen
nicht anders dachte / solche zedel were etwa von yh-
rem seynde yhn zu spot vnd schmach schimpflich erti-
chtet. Aber weyl sie so lange dazu schweygen/ vnd ich
auch anderswo her gewis byn / das sie solche artickel
haben verdampt vnd zu widderruffen erzwingen /
müs ich glauben vnd bekennen/ das wo solche greyff-
liche blindheyt ist/ das sie diese heubt artickel des Chri-
stlichen glaubens verdannen / da müs auch freylich
solche kunst vnd verstand seyn/ die nicht viel klüglicher
vnd geschickter grund vnd beweyfung zeygen mügen.
Der halben ich will die selbige zedel widderrumb
lassen auff's neu ausgehen/ vnd solche Ingolstedtische
kunst vnd tugent ausbreytten / zu ehren dem heyligen
Gottis wort/ auff das die schwachen getröstet vnd ge-
stercket werden/ so sie hie sehen/ so scheynbarlich Got-
tis wunderwerck / der seyn heyliges wort widderrumb
zu erhöhen vnd zu preysen seyne lesterer vnd seynde mit
solcher grosser blindheyt strafft vnd plagt. Vnd bitte/
eyn iglicher Christ las yhm dise Ingolstedtische zedel
befolgen seyn/ als der besten buchlen eyns/ das zu fod-
derung Gottis ehren wol dienet / vnd werd ist / das
A ij man


man behalte auff vnser nachtmen / damit sie wissen
mögen / wilch verzweyffelte huben schulen gewesen
sind zu vnsern zeyten / vnd wie müßwilliglich der ley-
dige teuffel ynn der Christenheyt / durch solche elende
köpffe regiert hat ynn den hohen schulen.

Doch damit will ich den leichtfertigen leutten / so
sich Euangelisch rhümen vnd doch nicht sind / nicht vr-
sach geben haben / noch stercken yhre lesterliche ver-
messenhett vnd frecheyt. Denn wie wol es war ist /
das Gott solche straffe vnd iemerliche blindhett ge-
hen lesst vber seyne seynde / die schwachen zu trösten
vnd zu erschrecken des Euangelions seynde. So ist
doch daneben zu fürchten seyn wunderlich gericht vnd
werck / das es nicht velleicht auch vns gellte / die wyr
auffß Euangelion stolzirn daher / als weren wyr
selbs / on alle fürcht vnd demüt / vnd mit der that weyt
dahynden bleyben. Er plagt auch vor zeyten die Phi-
lister / das sie seyne laden musten widder heym senden
mit aller schande / Nichts deste weniger schlug er
funffzig tausent vnd siebentzig man zu Bethsemes /
das sie die laden sahen / velleicht / das sie sich würdig
dauchten vnd vber der Philister schande stolzireten.

Es sibet mich eben an solch Gottis werck / alle
wolt er vns vnser traghett vnd faulhett erynnern vnd
vermanen / das wir vleyßiger beten vnd ernstlicher da-
zu thun sollen. Denn das ist yhe gewiß / das der teuffel
als eyn hoch verstendiger geyst / hette solche zedel wol
besser künden zurichten vnd yhr eyn andere farbe an-
streichen. Darumb müß er eyntweder von Gott sonder-
lich verhyndert gewesen seyn / odder das ich besorge /
er hat aus vberflüssiger müße vnd müßwilliger bos-
hett vnser faulhett gespottet vnd gedacht / Was darff
ich widder die lasse / faule / trege Christen grosse kunst
vnd

vnd witze brauchen? Sie thün myr mit beten nicht
wehe / so greiffen sie es auch nur mit wortten an. Ich
will die weyl also mit guter rüge lallen durch dise few
vñ yhr spotten / Ich darff keyns ernstes dazu / kan doch
wol sellen vnd zu widerruffen treyben / wilche ich will /
ob ich schon nür meyn schertz vnd schimpff treybe /
Sölchs hab ich grosse sorge / trage er ynn seynem sinn /
vnd ist fast dem selben die sache ehnllich.

Darumb laßt vns die warnung vnd ermanung
Gottis annehmen / Denn wyr sehen teglich des wid-
derruffens viel / vnd wenig sind die da bestehen. So
haben wir yhe so eynen schmeblichen vnd schendlichen
namen fur der welt als freylich ynn tausent iaren nie-
mand gehabt hat. Wilchen man kan Lutherisch oder
Euangelisch heysen / da meynen sie / sie haben yhr
mehr denn zehen mal teufflich geheysen / Der müs
denn auch mehr denn eyner hellen werd seyn. Vñ ifts
yhe eyn schwere schmach vnd peyn / darüber alle pro-
pheten vnd sonderlich David ym psalter so offte klagt
vnd schreyet / das wir ia grosse ursach gnug haben / mit
vleys zu beten vnd dem teuffel mit ernst widder zu ste-
hen / wilchen wyr hierynnen sehen / wie er aus den
menschen seyn affen spiel treybt / vnter wilchen
doch noch ettliche sind / die durch vnser beten
vnd leren sollen herzü komen vnd vnser
brüder werden / darumb wyr schuldig
sind vns yhr an zu nehmen / vnd fur
sie wider den teuffel yhren spot-
ter / mit gantzen krefftten be-
ten vnd fechten / das
helffe vns Christus
Amen.



Der siebenzeben Artickel

haben die Erwürdigen / hoch geleerten
herrn Nicolaus Appellas / Leonhardus
Marstaller der heyligen schrifftten / Fran-
ciscus Burchhart von Burchhardis / Georgius Hauer/
der rechten / Wolffgangus Peysser / Peter Burchhart/
Panthaleon brunner / der ertzney / Anthoni braun vnd
Joannes Schröttinger der freyen künsten / Lerer / Re-
ctor / Rat vnd Ordinarien der Christlichen Vniuersi-
tet Ingolstat mit imprinstigem ernstlichem vleys / aus
büchern eynes iungen Magisters / Arfacij Seehofer
von München / gezogen vnd für Ketzerisch / aus nach-
folgenden vrsachen / verdammet / Den benannten Ma-
ster Arfacij / ynn gefenschnys bezwungen / vnd zu letzt
bewegt / solch ab zu schweren vnd widderuffen / des er
am abent vnser frauwen gepurt / offentlich (vor allen
anzeygten Vniuersitet geliedern) gethon / vnd nach-
malen ynn eyn kloster zu büß komen / ym 1 5 2 3. iar.
Arfacius.

1 Alleyn der bloße glaube ist genügsam darzu/
das der mensch gerecht oder gerechtfertig werde.
Ingolstad.

Diser Artickel / als er ynn wortten laut / ist er war /
vnd sagt yhn S. Paulus zu den Römern am iij. vnd
v. Capitel vnd wird also bewert / der mensch der gere-
cht werden sol / ist ietzund vngerecht / denn were er ge-
recht / so bedorfft er es nicht werden. Ist er vngrecht
vnd ynn sunden / so mangelt er der Gottis gnade / hat
er die gnade nicht / so sind seyne werck auch nicht ange-
nem Gott odder verdienstlich zu der ewigen seligkeyt /
denn Gott gefallen des menschen werck nicht / der
mensch gesal yhm denn voran / als wyr haben Gen. 4.

Das

(Christlich
chen)
in Chrimate
illo psal. 40.
oleū impiorū
non impingit
in caput me-
um.

Das
ersta
lich
yhm
nich
te w
nom
müs
gott
wer
ist / y
auch
leyde
erzelt
sprich
Gott
gerec
Paul
ben a
denn
sten / b
wil m
faren
den g
vnd v
steht /
umb i

bewe
doch
gen se
kenne

Das Gott hat angesehen Abel vnd seyne gaben/ Zum
ersten Abel/darnach seyne gaben/Soll nu die mensch-
lich wirkung Got gefalle/ so mus der mensch von erst
yhm gefallen/ denn die werck machen den menschen
nicht gut/ Aber eyn guter mensch macht vnd thut gu-
te werck. Weyter soll der mensch gefallen vnd ange-
nommen werden von Gott/ der doch vngerecht ist/ so
mus das geschehen/ auß gute vnd barmhertzigkeyt
gottis. Das heyst man gnade/darnach komen erst gute
werck. Wiewol gemelter Artikel/ als yetz gesagt/ war
ist/ yhedoch so ist er nicht also bloß dem eynfelltigen/
auch leychtfertigen/ tregen vnd etwa Gotlosen (der
leyder viel seyn) fur zuhalten/ denn er yhm nicht ynn
erzelter weyse nach denckt/ sondern so bald er ihn hört
spricht er/ Ja ich hab eyn guten glauben/ vnd traw
Gott wol/ Wurd ich denn durch den glauben alleyn
gerecht/ vnd der gerecht lebt durch den glauben/ als
Paulus vnd Abacuk sagen/ so erlang ich das ewig le-
ben alleyn durch den glauben. Zy was bedarff ich
denn der gebot Gottis zu halten/ Warzu soll ich va-
sten/betten/almsen vnd andere gute werck thun/ Ich
wil mich zum glauben halten/ vnd alle muselige werck
faren lassen/ vnd Got wol trawen/ Er hat den hymel
den gensen nicht gemacht/ Vnd also werden vernicht (Die helle
auch dem fu-
tuck nicht)
vnd verspottet alle heylsamen lere Christi vnd der Apo-
stel/ die vns leren guts thun vnd vbeln fliehen. Dar-
umb ist er widderrufft.

Luther.

Disen artickei bekennen sie selbs/ er sey war/ vnd
beweren yhn aus S. Paul vnd Abacuk. Vnd wollen
doch/ er solle vmb ergerung willen der bösen geschwe-
gen seyn. Ist das nicht eyn erbermliche blindheyt? Be-
kennen es sey war/ vnd doch fur ketzerey verdammen/
vnd

ckel/

gelerten
nhardus
n/ Frans
s Zauer/
rckhart/
ann vnd
rer/ Res
Oniversi-
leys/ aus
Seehofer
aus nach
en Mai
d zu letzt
n/ des er
oor allen
nd nach
2. 3. iax.

Darzu/
werde.

er war/
ij. vnd.
der gere
ere er ge
ngtrecht
adē/ hat
cht ange
ligkeyt/
ht/ der
Gen. 4-
Das

vnd das aus keyner vrsach / denn das die gottlosen
sich dran ergern. Du zarte thewre warheyt / müstu nū
eyne lugen heysen vmb böser leut willen / Das heysst
Johannes den kopff abschlagen vmb der hurn herodi-
as willen. Denn so möcht Herodes auch sagen / Wie-
wol Johannes heylig ist / so soll er doch billich sterben
weyl die hure Herodias vber yhn zornig ist. Soll vmb
der gottlosen willen die warheyt ketzerey heysen / So
müs man auch sagen / das ketzerey sey / das Christus
Gott vnd mensch ist / Denn Juden vnd heyden sich
dran ergern. Wenn sie doch so viel byrns hetten vnd
sprechen / die frummen ergerten sich dran / so were es
doch eyn besser scheyn. Aber sie wusten wol / das die
frummen sich nicht dran ergerten. Drumb höre hie alle
wells diser hohen schulen künst / Götliche warheyt ist
ketzerey / wenn die bösen leut sich dran ergern / pfū hohe
schule. Ja sagen sie / man soll yhn nicht so blos sagen.
Lieber ist's war? Warumb hat yhn denn Christus vnd
Paulus so blos gesagt? odder meynet yhr armen leut /
das möglich sey / auff eyn mal mit einerley wortten sa-
gen / der glaube macht alleyn recht / vnd der glanbe
thut güte werck? Es müs ye eyns vor / das ander nach
gesagt werden / Soll nū das erste ketzerey hey-
ssen / alleyn darumb / das es zur andern zeyt geredt
wird denn das letzte? Wolan so ist nū ynn disen artickel
/ Paulus vnd Christus vnd Moses zu gleych von
den Ingolstetern / bekennet vnd verleuckert / zu gleych
warhafftig vnd ketzerisch geschollten / zu gleych ver-
dampt vnd gelobt. So sollen sich stürzen die Gottis
feynde vnd lesterer. Auch hallten sie yhr eygen rede
nicht. Sie sagen ynn der vorrede / dise artickel sind alle
ketzerisch vnd beweysen doch nicht mehr / denn das di-
ser sey ergerlich den Gottlosen.

Die

2
y
sch

rech
er de
dien
will
han
er w
verfi
gelic
zur li
yhr

Schul
doch
Gott
Gott
Ro.
offin
ben s
ten s
heys
olog
vnd
gefell
cimm
listli
ia sm

Arfacus.

2 Die gerechtigkeit GOTTIS ist eyn solche/die Got
ynn vns acht / schetzt odder vernimpt on all on-
schauung vnser werck.

Ingolstadt.

Disen artickel verstehen wir also/das GOTTIS ge-
rechtigkeit solche ist/das sie vngeschwecht bleybt / ob
er dem menschen anders thut / denn er vermeynt ver-
dient haben. Vnd das Got auch schlecht nach seynem
willen vnd gefallen (das nennet er seyn gerechtigkeit)
handel mit dem menschen / der mensch thut gleich was
er wille/güts oder böses/vnrecht oder recht/ Der erst
verstand wer gut/aber der ander ist wider das Euang-
gelion/da der Herr die vnbarhertzigen stellen wird
zur lincken hand vnder die böck / vnd sprechen / gehet
yhr verfluchten ynn das ewige feur.

Luther.

Sihe da die hoch gelerten sollt man billich zur
Schulen furen vnd die grammatik leren. Verstehen sie
doch die wort nicht ym artickel/Denn die gerechtigkeit
GOTTIS da diser artickel von redet / ist die / damit vns
Gott begabt vnd gerecht machet/wie S. Paulus sagt
Ro. 1. Die gerechtigkeit GOTTIS wird ym Euangelio
offinbart/das sie aus dem glauben kome/wie geschrie-
ben stehet / Der gerecht lebt seyns glaubens. So deut-
ten sie yhn auff die gerechtigkeit da Gott von gerecht
heisse vnd die sinder straffe. Das sollten mir wol The-
ologen seyn. Dazu geben sie yhm zween verstand/
vnd verdammen yhn / eb wol der eyne auch yhn selbs
gefeller. Daraus man mag mercken/das sie M. Arfa-
cum nie verhöret haben/sondern mit gewalt hynder-
listlich vnd verrheterisch verdampft haben. Er het yhn
ia sonst dise meynunge on zweyffel gesagt. Warum
B nemen

Die

nemen sie aber disen artickel nicht auch an vmb des gü-
ten verstands willen? so doch ynn yhrer scholasterey
vnd Aristotele keyn ding so vbel laut/ das sie nicht lo-
ben / wo sie yhm nür eynen güten verstand geben mü-
gen/ ob sie yhn gleich zu Calicut holen müßten / Vben
sind es ynn der haut dymmen.

Arfacius.

3 Durch keynerley gute odder verdienstliche
werck mag der mensch erlangen seyn gerechtferti-
gung.

Ingolstat.

Diser artickel ist widder die geschriffte / denn ym
buch der wirkung der rñ. boten am x. Capitel stehet/
wie der heyde Cornelius durch almüßen vnd gebet/ die
er thet ynn seynem heydnischen stand / erlanget / das
yhm der recht glaub offinbart vñ verkündet ward / von
S. Peter. Vnd wiewol es war ist/ das des todsunders
tugentreyche werck / an yhn selbs nicht verdienstlich
seyn / oder des sunders gerechtmachung erlangen mö-
gen. Noch denn nympt sie die gürtigkeyt vnd barmher-
tzigkeyt gottis/ für besser vnd werder an/ denn sie selbs
seyn/ vnd thüt vmb yhren willen/ dem menschen / das
er yhm sonst nicht widerfaren ließ / het er sie nicht vol-
bracht.

Luther.

Das ist nicht war/ das Cornelius ym heydnischen
stand güte werck thet / Sondern er war eyn profelit
vnd hatte der rechten Juden glauben auff künfftigen
Christum / wilcher glaub darnach güts thet vnd also
zur offinbarung des herrn Christi als nür erschynen/
vnd zur freyheyte vom gesetz Mose/ kam/ denn on glau-
ben ist es vnmüglich Gott gefallen Ebre xi. So ist das
auch nicht war / das Gott des todsunders güte werck
für besser an nympt denn sie sind aus gnaden. Vnd rea-
den.

den hie aber widder sich selbs/denn ym ersten artickel/
bekennen sie/die werck mügen Gott nicht gefallen/der
mensch gefalle yhm denn zuvor. Was außser dem glau-
ben geschicht ist sünde Ro. 14.

Arfacius.

4 Gott alleyn macht vns gerecht/so er vns eyn
geust seynen heyligen Geyst/on alle vnser werck.

Ingolstat.

Diser Artickel ist klar genüg / aus der erklerung
des ersten Artickels/wiewol er sonst auch eyner güten
grossen auslegung bedarff / denn es sagt der heylig
Augustinus / der dich beschaffen hat on deyn zuthün/
der wird dich nicht gerecht machen / oder beseligen on
deyn zuthün.

Luther.

Ja freylich/müs ich dabey seyn/sol ich selig wer-
den / Gott lies mich auch nicht geporn werden on
mich. Was thet ich aber dazu? Vnd wenn gleich S.
Augustinus der Ingolsteter esel meynung het gewolt/
sollt man drum vber S. Paulus setzen / des diser
artickel ist Ro. 3. Wyr hallten der mensch werde ge-
recht durch den glauben on werck?

Arfacius.

5 Wir sollen gar keyne hoffnung oder zuuersicht
setzen ynn vnser güte werck.

Ingolstat.

Diser Artickel scheynt eyn grund haben ynn den
wortten Christi da er spricht / So yhr alles thüt / das
enich gebotten ist / so spricht dennoch / wyr seyen vn-
nütz knecht. Ahe doch erschreckt er die kleynmütigen
menschen / Darumb man sie mehr lernen soll nach rade
des weysen mans/der da spricht/Alles das deyn hand
gütes vermag / das thü on vnderlaß. Item Johannes

B ij am

am buch der heymlichen offinbarung / Ihre werck wer
den yhn nachvolgen / Item der herr ym Euangelio /
beruff die werck leut / vnd gib yhn yhr taglohn / denn
wiewol wyr vns vnser werck nicht vertrusten / verme-
ssen oder erheben sollen / denn sie an yhn selb nachgül-
tig vnd brechhafftig seyn / So werden sie doch bas be-
lonet / aus Göttlicher barmhertzigteyt / wie oben ge-
melt ist.

Luther.

Sihe da den articel verstehen sie auch nicht / das
du aber mal sihest / wie sie mit dem armen Arsatio sind
so verrheterisch vnd böswichtisch vmbgangen / das sie
entwedder yhn nicht haben verhöret / oder nicht lassen
reden / wie sie auch fast selbst bekennen inn der vorrede.
Höret yhrs / yhr grossen groben esels köpffe zu Ingol-
stad / setze die brill auff die nasen / oder verdawet doch
vor den güten Dramynder. Werck thun / vnd auff
werck vertrauen / sind zweyerley / Der articel sagt
dürre vom vertrauen auff werck / So beweyset yhr
das güte werck zu thun sind / Wenn hat das M. Arsa-
cius verlencket? oder wer sagt das nicht? yhr sollt be-
weyten / das auff güte werck nicht zu trauen sey / So
redet yhr eyn anders daher / gleich wie truncken ym
schlaff antwortten.

Arfacius.

6 Es ist vnmüglich das der glaub seye on gü-
te frucht oder werck.

Ingolstad.

Diser articel ist widder das Euangelion / vnd S.
Paulus / denn der Herr spricht / Der knecht der da
weyft seyns herren willen / vnd thut den nicht / wird
hart geschlagen werden. Lüg / erkennē den herren vnd
seyn willen / ist glauben / Aber nicht volbringen den
willen /

willen
glaub
Jung
werck
glaub
werck
myr / y
Paulu
werck

nicht t
Theol
vngese
weys r
ist aber
sophist
haben
lassen.
vnd de
wol sag
steht /

> S
lonet n
de / ist e
ben sel

De
allen g
weyten
volgen
das Eu

willen/ist manglung der werck/darumb sind man den
glauben on werck. Item viel werden sprechen am
Jungsten tag herr / herr / wyr haben gros wunder
werck gethon ym deynem namen. Lüg/die haben den
glauben zu Christo gehabt / aber sie manglen güter
werck / Darumb wird er zu yhn sprechen / weycht von
myr / yhr volbringer der bosheyt / ich kenn ewer nicht /
Paulus an viel ortten seyner Episteln / sundert die
werck vnd den glauben von eyinander.

Luther.

Ja der glaub des knechts der des herrn willen
nicht thüt/ist eben eyn glaube / wie der Ingolstedter
Theology/Theology ist / Der artickel redet von dem
ungeferbeten rechten glaübē/wie yhn Paulus nennet /
weys wol/das auch eyn ertichter glaube ist. Vnd das
ist abermal eyn bubenstück vnd schalck's tück / das dise
sophisten/den artickel deuten/wo siehyn wollen/vnd
haben den Ursation darüber widder hören noch reden
lassen. Wenn das soll gelten/eym die wort zu verkeren
vnd deuten / so möchten solch hoch gelerte leut auch
wol sagen/das Gott eyn teuffel heysse/da geschrieben
steht / Gott schuff hymel vnd erden.

Ursacius.

> So die schrift meldet / wie die gute werck be-
lonet werden / oder lohn für gute werck geben wer-
de / ist es also zunerstehen / das wyr durch den glau-
ben selig werden.

Ingolstad.

Diser artickel ist freuenlich vnd mücwilliglich on
allen grund der schrift / geredt / Darumb ist er zu ver-
weysen / alls der Meyster selb vergicht ym hernach-
uolgenden 9. artickel. Ober das so ist er auch widder
das Euangelion vnd ander schrift / Alls denn ym 5
B ij artickel

Ja sie gley-
ben eben wie
die esel zu
Ingolstad
Theologen
sind.

artickel gemelt ist/die klerlich anzeygen/wie das Got
lohn geb / nach erfodrung der werck / vnd nicht des
glaubens/Sonst so müst er dem teuffel auch belohnen/
denn sie glauben auch / als S. Jacob sagt ynn seyner
Epistel/aber darumb sie nicht güts wircken/so müssen
sie auch güts lohns geratten.

Luther.

Da deutten sie aber den rechten glauben auff den
falschen glauben / die frummen bidder leut. Aber wie
Got die werck belone / ist hie zu lang zu erzelen / magst
den sermon von dem Mammon lesen. Die sophisten
wissen viel was glaub / werck vnd lohn ist / Vnd was
solt verstands seyn bey solcher blindheyt/wie du oben
gehört hast?

Arsacius.

8 Die sich vnderwinden / durch yhr güte werck
sich gerecht vnd gut machen/die bawen nicht auff
den fels/sondern auff den sandt.

Ingolstad.

Diser artickel hat verstands genug / aus dem/das
bey dem funfften artickel gesagt ist.

Luther.

Diser artickel/wie der funfft/redet auch vom ver-
trawē auff werck / vñ nicht vom thün der werck / Syn-
temal Arsacius im nehisten artickel bekent/das werck
nicht ausbleyben wo glaube ist. So deutten diese blin-
den auff thün der werck. Zur schule vnd zum vocabula-
rio exquo mit den groben bachanten. Aber so gehts
dem guten Arsatio / Sagt er / das güte werck zu thün
sind/so ist's ketzeri/sagt er/das nicht auff sie zu trawen
sey / so ist's ketzeri. Er wurd freylich keynen Christli-
chen artickel nymmer mehr sagen kunden / Er wolt
denn nicht anders sagen/Denn/Eximij magistr i nostri
vestre

vestre
seyt d

9
was
Gott

D
darau
hochg
Item
Denn
ihn gl
euch h
der ve
wort k
umb b
nüs g
Petri
vns da
was d

J
sage al
alleyn
Antwo
det es
ben / a
denn n
man g
geln d
will m
will vo
Das ni

vestre excellentie bene dicunt. Vos estis lux mundi / yhr
seyt der dreck ynn der latern.

Arfacius.

9 Es ist keynem yn der kirchen zu glauben / denn
was er gewiss vnd klar dar thüt / aus dem wort
Gottis.

Ingolstad.

Das ist auch eyn freuel / mütwillig geschwetz / denn
daraus volget / das wyr nicht glauben sollten / das die
hochgelobte mutter Gottis Jungfraw blieben seye.
Item das wir den Euangelisten nicht glauben solten /
Denn an keynem ort der geschriffte sind man / das wyr
ihn glauben sollen / Sprichstu / der herr hat gesagt / wer
euch hört / der hört mich / vnd der euch verschmecht /
der veracht mich. Wöcht eyner antwortten / das solche
wort haben die Euangelisten selbs geschrieben / dar
umb binden sie nicht / denn keyner kan yhm selbs zeuck
nis geben. Item wyr solten nicht den Episteln Pauli /
Petri / Johannis / Jacobi &c. glauben / Denn wo beüt
vns das die geschriffte / oder Gottis wort? Secht yhr /
was diser articel vermag.

Luther.

Ich will ewer spitzige kunst auch brauchen vnd
sage also / Wem soll man denn glauben / so man nicht
alleyn Gottis wort sol glaubē? Sprichstu / der kirchen /
Antwort ich / die kirche sagt solchs selbst / darumb byn
det es nicht / denn keyner kan yhm selbst zeugnis ge
ben / als hie die klügen leut sagen. Wem sollen wyr
denn nū glauben? wider Got noch menschen? Ich rad /
man glaube alleyn den langen handschuchen vnd gu
geln des rectoris zu Ingolstad / Item aus was grund
will man beweyßen / das eyne kirche auff erden sey / ich
will vom glauben der kirchen schweygen? Wüs man
das nicht aus Gottis wort beweyßen? Aber das als
sentzen

Er vermag
zu beweyßen
das keyn tola
ler narrē yhe
gewesen sind
denn die zu
Ingolstad.

le das Got
nicht des
belohnen/
ynn seyner
/ so müssen

n auff den
Aber wie
len / magst
sophisten
Vnd was
ie du oben

üte werck
nicht auff

s dem / das

y vom ver
erck / Syn
das werck
s dise blin
i vocabula
er so gehts
ck zu thun
zu trawen
n Christli
Er wolle
istri nostri
vestre

fentzen das sie sagen / es sey nyrgent geschrieben / das man solle S. Peters Paulus / Johannes Episteln glauben / vnd das Maria Jungfraw sey blieben / ist nicht werd das mans verantworten solle / gerad als sollte man noch ander zeugen siren / die heylige schrift zu bewerren. Aber es sey so / man solle der kirchen glauben die solche schrift hat angenommen / Sage myr / wo stehts denn geschrieben / das man darynnen der kirchen glauben soll? Stehts ynn den selben buchern / die sie an nympt / Wolan so wird die kirche / durch die bucher vnd nicht die bucher durch die kirche bezeuget angenommen vnd bewerd. Hui nū yhr Ingolstedter Theologen. Sehet yhr was diser articel vermag?

Arfacius.

10 Es soll keyn mensch ynn der Christlichen kirchen ettwas thun oder leren / on was Gott der herr gewiszlich angeben / geleret oder geboten hat Ingolstad.

Sonderlich
ynn quinto
phis corum
hat er nichts
daus gesagt.

Diser articel ist dem nechsten hienor gleych böß / denn daraus volget / das niemand Junckfrawschafft halten soll / niemand zeytlich güter vbergeben sol / niemand vasten / Denn Got hat diese ding nyndert geboten / Niemand sich ehlicher werck mit seinem gemahel vnderziehen soll / zu eyniger zeyt / denn wiewol S. Paulus das selbig geraden hat / hat er es doch nicht geboten / vnd (als Luther sagt) so ist das eyn gebot Gottis / da er zu Adam sagt / wachst vnd werdet gemehret / da wird yhe eyn seltzams leben / vnd viel vnnützer erbeyt.

Luther.

Da da / so soll man Christo vnd Paulus yns man greyssen. Wie offft gepent Paulus zu vasten 2. Col. 6. Vnd 1. Cor. >. gepent er ehliche pflicht zu leyssen / in er gepent ehlich zu werden vmb der vnkeuscheyt willen.

Auch

Auch so redet diser articke[n] nicht alleyn von Gottis gebotten / sondern von allem das Gott angibt vnd leret. das er dennoch war were / ob gleich fasten / ehlich / keusch seyn nicht gepotten were / syntemal so viel exempel ynn der schrift Gott anzeygt hat / das ich nicht weys / ob dise sophisten tol oder töricht sind / das sie die articke[n] widder yhre darre helle wort deutten / wo sie nür hyn wöllen. Ich meyn sie haben gedacht / es sey widder Got noch mensch mehr denn sie alleyne.

Arfacius.

|| Es zymet eyne[m] Bischoff nicht anders / denn das wort Gottis zu leren.

Jngolstad.

Diser articke[n] ist zu streng vnd zu bissig / denn wy lesen von S. Paulus / das er hat geerbeyt / denn er kund zelt machen Actuum 18. So haben ym anfang viel Bischoff / weyb vnd kind gehabt / vnd on zweyffel auch leylich geerbeyt.

Luther.

Reym dich bundschuch / Der articke[n] sagt von leren / so deutten sie yhn / vom thün. Eyn Bischoff soll nicht anders leren denn Gottis wort / das verstehen sie / er solle nicht s anders thün denn leren / Vnd ober gleich vom thün redete. ist er doch war / Denn das weys auch haus narr wol / das erbeytten vnd haushallten / eyns bawres thün vnd ampt ist aber Gottis wort leren alleyn eyn Bischofflich thün vnd ampt ist / pfäuch esel. Es beweyssen solche stuck alle / das Arfacius nicht dabey gewesen noch verhöret ist / da solch hoch berempte vnd wol beschissen vnüersitet yhn verdampft hat. O wie recht geschicht den hertzogen von Beyern / die auch Gottis wort vnverhöret / vnertand / vnüberwunden verdammen vnd verfolgen / das sie solche sero vnd esel müssen zu meystern vnd seelreren haben.

C

rer haben

rer haben/Sölch straff het ich yhn nicht thurst wunden
schen.

Arfacius.

12 Eyn Bischoff seyn/ist nicht anders/denn ge-
loben das wort Gottis.

Ingolstad.

Diser artickel ist dem fodern gleych streng / denn
S. Paulus / vnd ander Bischoff / haben auch die bösen
vnd vngheorsamen gestrafft / verdammet / vnd ynn ge-
walt des bösen seyndes geben / bis sie sich besserten/
darumb haben si nicht alleyn predigt / sonder auch ge-
walt gehabt.

Luther.

Das die esel nicht recht das lateyn verdeutschent/
müs man yhn zu güte halten / denn sie kunden widder
deutsch noch lateynisch. Der artickel will / Eyn Bi-
schoff zu seyn / ist so viel / als profiteri verbum dei / des
ampt sey / das wort Gottis zu predigen / wie der vorige
artickel meldet / Dazu verstehen dise wol verstendige
köpffe die sache also / das bannen / straffen vnd zucht-
gen die vngheorsamen / gehöre nicht zum wort Got-
tis / Das müssen sie freylich daher haben / das die itzi-
gen Bischoff alleyn bannen vnd nicht predigen /
Danck hab die wolberempte vniuersitet.

Arfacius.

13 So eyn man seyn weyb verlesst / oder recht-
lich von yhr gescheyden wird / hat er gewalt eyn
andere zunemen / des gleychen die fraw / mag sich
eynem andern man vermehlen / es were denn das
man es dem verbeut / des mißhandelt hat / vnd
vrsach der Lescheydung geben hat.

Ingolstad.

Diser artickel / wie wol etlich meynen / er sey also
von

von vielen heyligen Bischoffen ym anfang Christli-
ches glaubens gepracticiert worden/ yedoch ist er kler-
lich wider Christum vnd Paulum/ der spricht ynn der
ersten Epistel zu den Chor. am 7. Den die ehlich ver-
eynt vnd verbunden seyn/ gebent nicht ich aus eygen-
vermessen/ sonder der herr/ das das weyb nicht abtre-
ten/ oder sich scheyden soll von yhrem man/ weycht sie
aber von yhm/ soll sie on man bleyben / odder sich mit
yhrem man wider versumen/ zu gleycher mass sol auch
der man seyn weyb nicht verlassen / das sagt Paulus
So nympt der herr keyn andere vrsach aus / denn Ehe-
bruch / vnd Christlich kirch bestymbt/ das ynn der sel-
ben sach/ die wort Pauli / auch krafft haben. Dar aus
volget/ das gemelter artickel sey wider Christum vnd
Paulum/ oder aber der yhn halten will/ verachtet ord-
nung vnd erklerung/ der heyligen Christlichen kirchen

Luther.

Diser artickel sagen sie zu erst/ Er sey wider Chri-
stum vnd Paulum/ darnach ob das den stich nicht hal-
ten wurde/ sagen/ er sey wider die ordnung der kirchē /
Ja es heyst kirchen oder des teuffels kuchen/ Paulus 1.
Cor. 7. sagt offentlich / so eyn ungleubig gemahl vnt
andern gleubigen gemahl weicht/ so las yhn weichen.
Denn der bruder oder Schwester ist damit nicht gefan-
gen/ Da gibt yhe Paulus freyheyt/ sich zu verendern/
was weres sonst gesagt/ das man nicht gefangen sey?
So ist ungleubig nicht alleyn der da vngetaufft ist/
wie des teuffels kuchen narret / Sondern eyn iglicher
falscher Christ/ drumb ist diser artickel recht vnd war.

Arfacius.

14 Es zympt sich keynem eyn Nyd zu thun/ denn
alleyn da es berürt die ehr Gottis / oder notdürfft
des nechsten / Aber vmb zeytlicher gäter willen/
E ij zympt

Wund

denn ge

g / denn
die bösen
ynn ge
esserten/
auch ge

utschen/
widder
Eyn Bi
dei. des
r vorige
stendige
d zucht
rt Got
die irzi
digen /

r recht
alt eyn
ag sich
nn das
t / vnd

sey also
von

simpt Keynem zu schweren/oder den Ayde zu thun.
Ingolstad.

Das heyst
grund aus
der schrift
seyge/ia zu
Ingolstad.

Diser artickel so er als er laut/schend eyn yglichen
der ynn andern/denn gemelt sachen schwert/verpflich
ten zu sunden ist er streng genug / wiewol fast gut was
re/vnd nutz/das er practiciert wurd.

Luther.

Das ist eyn feyn stück leyn/damit solt man billich
die fursten zu Beyern verehren/all mit eynen zarten
feucht yhrer wolberempten vniuersitet. Sie sagen / er
were wol gut vnd nutz/das man yhn hielte/aber weyl
die leut nicht also thun/ist er ketzerisch / Gott verpeut
den ehebruch/were gut das mans hielte / aber weyl es
die leut nicht halten / ist Gott eyn ketzer / Ist war / so
war die wolberempte vniuersitet zu Ingolstad gelert
ist.

Arsacius.

15 Von not wegen ist es also / das / wer eyn
eyde von andern fodert/sey eyns argkwenigen ge
müts/vntrew/bosshafftig vnd leichtfertig / vnd
Keyn ersamkeyt hab / zu der Göttlichen warheyt.

Ingolstad.

Diser artickel / steht ynn gleychem werd mit dem
nächststen hievor.

Luther.

Disen achten sie dem nehisten gleich würdig / so er
wol tausent meyl von yhm ist / Denn der nehist ist aller
ding eyn ansbund Christlicher lere. Aber diser ist wol
eyn wenig zu hui/aber doch nicht gantz falsch. So wol
verstehen dise leut/was gleich vnd vngleich ist.

Arsacius.

16 Das gesetz durch Mosen geben / erfordert
von den menschen / das sie nicht haben thun mö
gen.

Ingolstad.

Diser

Di
ob Got
er klerl
S. Pet
warum
glaubig
vnsere
schwer
Göttlic
durch n
worden
hannis

Di
vnd han
verdam
von Go
möglich
Arsacius
ten redh
frumme
Gottis

17 Da
sonder

Diser
ynn der
buchstab
des gsetz
das ist o
gsetz ynn
willigke

Diser artickel / wiewol er hart lauttet / gleych als
ob Gott etwas unmüglchs boten het / yedoch so steht
er klerlich am buch der werck der xij. boten. Da spricht
S. Peter ym ersten Apostolischen Concilio / Brüder /
warumb vnderstehet yhr zu legen auff die heupter der
glaubigen / eyn schwers Joch / das widder wyr noch
vnser veter haben tragen mügen. Aber wiewol es
schwer was / so möchten sie es wol tragen / mit hülff
Göttlicher gnaden. Aber die selb gnad/heten sie nicht
durch werck des gesetz / sonder sie ist vns mitgeteylt
worden durch vnsern herren Ihesum Christum / Jo-
hannis am ersten.

Luther.

Disen artickel bewerer sie selbs / das er war sey
vnd haben sich abermal selbs ynn die backen / das sie
verdammten / was sie bekennen. Denn der artickel redet
von Gottis gepot auffer der gnaden. Da ist vns un-
möglich / Das es aber ynn gnaden möglich sey / hette
Arsacius bas wissen zu sagen / denn sie thün / wo sie het-
ten redlich vnd biederlich mit yhm vmbgangen / als
frumme doctores solten thün. Aber wie ich gesagt hab/
Gottis zorn straffe so seyne seynde.

Arsacius.

17 Das Euangelion Christi / ist nicht der geyst/
sonder der buchstab.

Ingolstad.

Diser artickel ist wider die lere S. Pauli / der spricht
ynn der andern Epistel zum Chorinthern am 3. ca. Der
buchstab / das ist der schriftlich vnd buchstablich synn
des gesetz vnd der bot der selbig tödet. Aber der geyst/
das ist der ymerlich verstand vnd haltung der bot vnd
gesetz ynn geyst Gottis / das ist ynn der gnaden vnd
willigkeyt / das selbig gibt dem menschen das leben.

C ij vnd

vnd der heylig Paulus verſteht ynn diſem ſpruch / bey dem geiſt / das Euangelich geſetz / vnd bey dem buchſtaben das geſetz Moſy. Item er iſt wider die wort vnſers herren / der ſpricht Johannis an dem 6. Die wort die ich rede / ſind der geiſt vnd das leben. Amen.

Luther.

Diſen artickel will ich yhn zu gut halten / denn wie ſolten die ſew wiſſen / was geiſt vnd buchſtabe iſt ſo Origenes / Hierony / vnd ſchier alle allte lerer / aus genommen Auguſti. das ſelb nicht gewiſt haben? Es iſt genug / wenn die wolberempte vniuerſitet nur aus dem vocabulario erquo wuſte / was litera vnd ſpiritus zu deutſch heyſſet.

Ingolſtad.

Sie bekennē ſelbs / ſie haben yhn bezwungen die frumme leut.

Aus angezeygten ynn der heyligen ſchrift gegrūten vrsachen / eyn yetzlicher bey yhm ſelbs erwege vnd erkennen mag / Diſe artickel ketzeriſch der Römischen kirchen widerwertig vnd freuenlich ſeyn / Darumb billich / gemelter Magiſter Arſacij / von vns bezwungen worden / die zu widerruffen / vnd vmb begangen ſeyn freuel / mütwillig lere / nach ausweyſung der Geiſtlichen rechten / ynn einem harten kloſter / weyter beſchloſſen ſeyn ſoll / Damit ander auch exempel vnd erſchröcken nemen / ſich nicht ſo leychtlich mit freuel ynn yrrſal zu geben / ſonder bey der Römischen kirchen ynn freude bleyben.

Luther.

Ich meynete Paris / Louen vnd Collen hette grobe eſel / vnd diſe wolberempte vniuerſitet ſollt ſich an den ſelben geſtoſſen haben. Aber ich ſehe / das eyne wie die ander iſt / Denn eben ſo ſeyn hat auch die vniuerſitet zu Wienn an Doct Paulo Sperato / yhre kunſt beuweyſet / wie hernach folget / das ia keyne yhre narrenſpiel


spruch bey
dem buch
die wort vn
6. Die wort
Amen.

alten / denn
buchstabe ist
te lerer / aus
aben? Es ist
nür aus dem
d spiritus zu

riffte gegrün
erwege vnd
Römischen
Darumb bil
bezwungen
gangen seyn
der Geystli
yter beschlo
vnd erschro
uel ynn yr sal
en ynn fryde

len hette gro
sollt sich an
das eyne wie
die vniuersi
hre kunst bes
yhre narren
spiel

spiel dahynden lasse. Das ich acht / die wellt will new
werden. Man hat bisher der Beyer mit den serwen
gespottet. Nu hoff ich / wird es besser mit yhn
werden. Denn dise zedel triege mich denn /
so dunckt mich / alle serw ynn beyerland
sind ynn die beremppte hohe schule gen
Ingolstad gelauffen / vnd docto
res Magistri vnd eyttel berem
pte vniuersitet worden / das
hynfurt eyns bessern ver
stands ym beyerland
zu hoffen ist. Erl
se vnd Behüte
Gott Beyer
land für
disen
elenden
blinden so
phisten Amen.



Paulus Speratus dem Christli-
chen Leser Wundschet Gnad vnd Frid
ynn Christo.

Nuff Gott / wie gros ist der
grymmige zorn Gottis / vber die sünde der
Gottlosen / die nū zum ende der welt so gwal-
tiglich vnd schwerlich haben eyngerissen /
das alle hohe schulen / die man bis her für den rechten
kern Christlicher kirchen gehalten hat / also grob vnd
stockblind / zu grosser ergernis auch schier der auserwe-
leten / narrē müssen. Zerwider / wie gros ist seine Göt-
liche gnad vnd barmhertzigkeyt / vber alle gerechte
vnd auserwelte / durch den starcken glauben ynn Christum
wie hart sie ia für so schedlicher ergernis inn diser
treffigen vberweldigung so vieler yrrthum / erhalten
werden / das Gott die Gottlosen dennocht also narren
lasst / damit wer sich nur seynes warts trösten vnd hal-
ten kan / eyn yglicher on alle mühesame widerlegung /
yhr so offentliche vnd greyffliche narrheyt richten / vnt-
teylen / vnd verdammen mag. Also / das sich dise Adler
für falscher lere werden zu hüren wissen / vnd aus dem
sich alleyn vber dem Aß / das ist vber dem für sie gestor-
bnen Christo / zu samen finden / der grossen zeychen der
falschen Propheten nicht achten / sonder keyn anders
ynn die augen fassen / on das zeychen Ione des Prophe-
ten / der Christum ynn seynem tod vnd ynn seynere auff-
erstehung bedeytet hat / daran denn die gröst macht
des glaubens gelegen ist.

Las dich des nicht wundern oder beduncken es
sey wider eynander / so ich sprich / hart werden sie er-
halten die auserwelten / vnd werden doch leydelich
aus dem

Christli
d frid

Es ist der
die sünde der
welt so gwal
eyngerissen/
den rechten
so grob und
der anserwe
st seine Göt
alle gerechte
en ynn Chris
rnis inn diser
m / erhalten
t also narren
sten vnd hal
widerlegung/
richten / vr
ch dise Adler
vnd aus dem
für sie gestor
n zeychen der
keyn anders
des Prophe
t seyner auff
gröfß macht
geduncken es
er den sie ers
ch leydelich
aus dem

aus dem wort Gottis richten / vrteylen / vnd verdamm
men mügen / was die papisten narren / Denn auch die
Gottlosen / oder die ienigen so ym Euangelio der weg /
der felse / vnd die dornen genent werden / das ist / die
das wort hören aber nicht ym hertzen behalten / den
nocht wissen vnd greyffen was die sach mit den papi
sten ist / nemlich / so widersyns vnd verkert / das mans
auch allein durch natürliche vernunfft ynn viel stucken
eygentlich mercken mag. Sie haben die sach zu grob
getrieben / gedacht / es hat nütkeyn not mehr / wyr ha
ben sie schon bey der nasen erwüschet / sie werden vnd
müssen wol hernach / wie oder wohyn wyr sie ia furen.
Das ist der gröfsten Ertznarheyt eyne / damit sie Gott
plaget hat / daraus alle andere vnsynnigkeyt erfolget
ist. Also stürtzet Gott seyne Widerchristen / wenn sie
gedunckt / sie stehen am aller sicheristen.

Am ersten müst sich Sathan wol umbsehen / müst
alle seyne vernunfft brauchen / vnd noch dazu sich ynn
die gestalt eynes güten Engels verstellen / wolt er an
derst die Christen betriegen. Da ers aber nüt volbracht
hat / vnd sahe das yhm democht etlich entgiengen / die
das wort recht annamen / sienge er an sampt der fal
schen lere / auch der welt teufflische exempel ynn den
geystlichen für zu tragen / also / das man gedemcken
müst / Were das war wie die pfaffen sagen / sie thetten
selber darnach vnd lebeten viel anderst / Nit wissen sie
das es nichts ist / was sie vns für sagen / ist alles umb
yhres geyts willen zu thut / Vnd wenn sie den teuffel
nicht hetten / wie wolten sie sich erneren. Vnd damit
du mich wol verstehest / so sage ich / Es ist am ersten die
reyn lere Christi mit falscher lere verfelschet worden /
durch neben eyngesurte menschen ticht / die das wort
Gottis neben sich nicht leyden kan / Vnd die selbig ver
D felschung

felschung/mit für der welt mit gleiffendem wandel der
geystlichen bestetiget/ Denn sie ettwā eyn erber leben
für der welt füreten/ eben die Papisten/ obs schon laut-
ter abgötterey war/ noch machten sie yhr lere dem pun-
bel dadurch angeneh/ nemlich/ da der titel/ De vita et
ho. de. das ist/ von dem leben vnd erbern wandel der
priester/ auff Papistische weyse/ noch ym schwanc
gieng/ damit sie den sich selber sampt andern lang zeyt
betrogen haben/ das sie nichts anders denn lautter
werckheyligen ynn aller welt gemacht haben.

Es kan aber nicht seyn/ das die lüge von yhr selbs
bestehē/ man muss sie mit der warheyt spicken/ will
mans ia ynn die leut treyben. Nū auch die warheyt
der art ist/ wo man sich yhr schon vnrecht braucht/
noch kan sie sich nicht vberal verbergen/ sonder sie müs
doch bey etlichen fruchtbar werden/ Es kan ihe der re-
gen Gottis worts nicht gar vergebens fallen/ wie wyr
denn glauben das viel frommer Christen sind erhalten
worden/ alleyn vmb des willen/ das sie die ware spru-
ch der geschriff/ von den falschen propheten betrüg-
lichen eyngesiret/ durch die Göttlich salbung recht vnd
wol verstanden haben/ gleubt/ vnd als denn selig wor-
den. Zu gleycher weys wie ynn der leyblichen hurerey
geschicht/ also ist auch hie geschehen ynn der geystli-
chen wo es Gott hat haben wollen. Sie haben den sa-
men des worts Gottis durch yhr falsche lere ynn den
selen wollen vnfruchtbar machen/ wo aber der acker
die recht art zu dem selbigen samen gehabt hat/ ist des
samens vnd des güten erdrichs natur viel krefftiger ge-
wesen denn yhre büberey/ vnd ist fruchtbar worden/
wie denn auch leyblich geschehen mag/ man thū was
man woll dafür/ so hilfes nicht/ es kumpt eyn frucht
daraus/ wo zwey sich mit eynander vermischen/ wie
man

ma
mü
sch
ist
nac
für
dur
den
da
tod
essen
pot
den
noch
will
wie
tis
bens

nich
war
der
eyne
ren
aller
gers
len
ffen
man
halte
Wil
chen
sen/d



man denn hatt ynn der Papisten beycht erfaren
mögen. Das hat nū der teuffel durch das böß vnd
schendlich leben der paffen hindern wollen. Vnd ihm
ist nicht daran gelegen / ob schon damit auch seyne lere
nachteyl empfieng. Er mag wol leyden das man yhn
für eynen lugner acht / wenn er nur Christum auch da
durch für der welt kan zu eynem lugner machen / wie er
denn am ersten ym garten ynn Eden hat angefangen /
da er zu Adam vnd Eua sprach / Ihr werdet nicht des
todes sterben / nach dem wort Gottis / wilchs tags sie
essen würden von der frucht des baums den er yhn ver
poten hat. Er wußt wol (der teuffel) das er selber vber
dem wort müßt zu eynem offnbaren lugner werden /
noch thette ers / so seynd ist er der warheyt Gottis / Er
will vberal das mans verkere vnd für lugen acht. O
wie viel yhr sind gewesen vnd noch / die dem wort got
tis nicht gleubet haben / alleyn von wegen des bößen le
bens der geystlichen / wie ich oben erzelet hab.

Zu letzt aber / da er sahe das sich dennocht ettelich
nicht daran wollten keren / sonder die wort Gottis für
war (wie sie denn sind) annamen / ob schon das exempel
der geystlichen strackß dawider lieff / hatt er erdacht
eynen andern synn. Zui du müßt alle geystlichen zu nar
ren machen / vnd besonder die hohen schulen / das hertz
aller Papisten / Also / wo die papisten liegen eynes fin
gers lang / da müssen die hohen schul liegen eynes el
len lang / vnd wo die papisten eyn mal narren / da müs
sen mir die hohen schüle zehen mal narren / so wird
man denn alles was man von Gott sagt / auch darzu
halten für narrenwerck / denn so hab ich gewonnen /
Wil doch darneben gleyßnerrey ynn ettelichen / ynn ettli
chen eyn schendlich offentlich leben mit eynreyssen las
sen / damit ich alle lucken verstopff / aber alle müssen sie
D ij myr

myr narren. Wer wil mir denn disen driffaltigen strick
abreissen / falsch vnd gleissnerisch lere vnd leben / Bose
exempel / Terrisch vnd lame zotten / die all zu gleich mit
eynander daher farē? Triffc eyns nicht so triffst das an
der / ich müs yhe mein lust am wort Gottis büffen. Ich
wills noch dazu brengen / das man sprechen müs / du
sagst eben als der von Gott prediget / als obs lautter
narrenwerck were. Das hat yhm nū Got abermals zu
geben / aber doch die sach also verordnet / das der teu-
ffel eben durch disen furschlag ist auff das aller schend-
lichst betrogen worden. Was machts? Ey sie narren
gar zu grob / das der teuffel wol zu yhn sprechē möcht /
Ihr groben esels köpff / kund yhr nicht anderst narren?
ich verfahe mich yhr wurdet so höfflich narren / das
man das wort Gottis dadurch sollte achten für narren-
werck / so macht yhr myr gleych das widerspiel / man
müs erst mercken vnd greyffen das es war vnd gerecht
ist. Doch mugen sie gegen yhm eyn ausred haben / vnd
sprechen / Wyr haben es nicht gern thon / wyr wollten
wol genarret haben wie du gewolt hattest / was kun-
nen aber wyr dafür das Gott der welt die augen auff
thüt / vnd will es nu anderst haben?

Dem teuffel ist warlich eyn grosse lucken mit den
grogen narren vermacht / das er nu eynen grossen teyl
der welt nymer betriegen kan. Soll das nicht seyne
letzte verstörung seyn / so müs er vnd wird eyn ander
schlupffloch suchen / das er vns wider ym new verstel-
ter gestalt eynes andern güten Engels zu kumen mug /
Müs noch wol als viel sym vnd witz brauchen als er
ymmer gethan hat / ia er wirds nicht vnderwegen las-
sen / des müg wyr vns eygentlich versehen gegen yhm.
Diser grosse schalck / thar noch wol eyns thün / vnd sich
ym seynen gelidern aller ding stellen / als wolt er mit
vns

vns da
sten te
eyn C
für den
nocht e
nis / g
weste /

S
nicht b
reytze
nur an
schand
dem w
sym ge
yhm nic
werden
gescheh
verferte
nicht ab
dem K
des zu
sich dise
dafür v
len wir
ym grö
nicht w
hynuber
vnd ann
ren / vnd
seyn.

Die
mans na
lassen v

uns das Euangelion annehmen vnd alle sach zum be-
sten keren. Er gehet schon damit vmb, vnd wolt gern
eyn Concilium anrichten ia nach seynem synn/ das es
für den menschen das aller best ansehen hett/were den
nocht eytel gespenst vnd gleysterey/tod vnd verdam-
nis / gibts doch also gut für / das wer seyne tück nicht
west/gedencken müßt es were seyn rechter ernst.

Für war wenn es Christlich were / so kund man
nicht bas thun/denn das man solch sewzapffen ymmer
reytzet vnd vrsachet viel zu schreyben/ lies es darnach
nur ausgehen / sie wurden sich selber gnug damit zu
schanden machen. Das ist yhr rechter lohn / den sie an
dem wort gottis verdienen/ das sie bisher nach yhren
synn gemeystert haben. Der geyst Christi will aber mit
yhm nicht schertzen lassen/er sturtzet sie ehe sie es innen
werden/ Vnd O wolt Gott(were es anderst noch vn-
geschehen)das sie nicht auch dahyn ynn gantz vnd gar
verferten synn geben wurden / ybres gottlosen wesens
nicht ab zu stehen / so lang / bis sie sampt yhrem heubt
dem Römischen Endchrist/von dem almechtige geyst
des zukunfftigen richters / erwurget werden/Wie wol
sich dise gallen vnd wermut tragende wurtzel segnet
dafür/vnd spricht/es wird so böse nicht. Eben das sol-
len wir vns zu eynem fürbild nemen/das wort Gottis
ynn größern würden vnd ehren zu halten / damit vns
nicht wie yhnen etwa widerfare. Wyr sind noch nicht
hynuber / wyr müssen bas hynan / nicht alleyn hören
vnd annehmen das wort / sonder auch darynn behar-
ren/vnd für allen dingen Got alweg drumb danckbar
seyn.

Die weyl aber gar niemand ist zu ergern / so mus
mans nach vnserm gepet für sie / Gott mit yhn walten
lassen vnd so viel an vns ist/ yhn zu nichten denn zum
D iij guten

guten vrsach geben/als lang vns keyn nott dringte an-
derst mit yhn zu faren/wie wir denn hie yhn zu antwor-
ten gedrungen werden / sie ergern sich odder bessern
sich daran / Vns soll fast gnug seyn / das vnser gewis-
sen. on die ehr Gottis vnd der nächstennutz vnd nott
durfft hierynn keyn anders ansihet. Auch der heylig
geyst ynn vns seynen zoren hatt / da durch er dise welle
vmb die sünde / vnd besonder den grossen zorn dieser
Bestien/straffen muß. Lieber. Weil man sie gnad unel-
her heyst / wird es nymer besser / Man muß diese wölff
aller wellt / nach aller yhrer tückischen art / abmalen
vnd vleyssig furtragē / es wird democht kaum helfen/
als gewaltig yhr betrüg ist / sie werden vns ettlich dur-
ch yhre gleyssiterey abreyssen / vnd sampt yhn ynn die
verderbnis furen. Darumb ist es zu thun/vnd nicht das
wyr sonst vnsern lust zu lestern also bussen wolten. Vnd
ynn dem folgen wir nicht vnserm eygen kopff / die weil
vns die geschriffte beyde mit gepot vnd exempel treybt
dartzu.

Doch schlage ich nicht ab/das man am ersten die
güte mit yhn versuchen soll. Wo ist aber das nicht ge-
schehen/da yrgend eyn hoffnung fur handen war? Ich
weys yhe wol / das ich alle güt mit den Wiennern fur-
gewendet hab / Jhr manig mal freundlich zu geschrie-
ben mü ynn das dritte iar / vor vnd nach meynen gefen-
cknis / Hab mich dartzu erbotten / können sie mir anzey-
gen das ich geyrret hett / so wolt ich gern widerruffen.
Ich hab aber nie so viel erlangen mügen / das sie myr
nur die nachfolgende Artikel hetten zu geschickt / das
ich doch weis / warumb sie mich banneten vnd verdam-
meten / bis ich sie neulich durch einen güten freund hab
zu wegen bracht / on yhr willen vnd wissen. Das ist
wol war. sie haben myr doch eyn mal geschrieben / aber
daselbst

Daselb
schicke
daryn
Vnd si
aus de
verdan
schone
nen an
nach m
ten rech
Tur y
nicht b
schiebe
ans lie
W
sie sind
Ingolp
Magis
rollen
schendl
haben/
griffen
mehr se
Got/w
den seyn
schul da
den wor
Sehen
ist. Also
nig vnd
gepotte
eyn tite
les zu dr

Daselbst begert / ich sollte yhn allererst meyn predig zu
schicken / so wolten sie sehen was yrrigs odder vnrechts
darym were / vnd als denn weyer handeln mit myr /
Vnd sie hetten vor langst dise nachfolgende Artickel /
aus der selbigen predig / wie sie surgeben gemacht vnd
verdampft / dazu mich ym yhren bann gethon. Lyn
schone sach das ist / gleich wie die hetten / hiengen ey-
nen an den galgen vor mittag / vnd setzten sich erst
nach mittag drüber / vnd radschlagten / ob sie yhm het-
ten recht odder vnrecht gethon. Aus mit den buben /
Tur ymmer hyn zum Papst mit yhnen. Sind sie denn
nicht buben / was haben sie denn so hart das liecht ge-
schiehen mit yhren artickeln? Noch müssen sie herfür
ans liecht damit.

Aber zwar man darff sie nicht vben zu schreyben /
sie sind selber alzu gehe darzu. Denn was ist die von
Ingolstadt nort angangen / das sie eyn solch spiel mit
Magister Ursacio haben angefangen? Was hatt die
rollen Theologen zu Wienn gedrunge / mit mir also
schendlich zu handeln? Kunden sie nicht so viel hyrns
haben / das sie gedacht hetten / die sach ist nüt gnüg an-
griffen worden von andern leuten denn wyr sind / die
mehr senffs ym der nasen haben / Were sie nicht aus
Got / wie möcht sie wider so viel gewalt bisher bestan-
den seyn? Voraus so wyr sehen das noch keyner hohent
schul da wider gelungen hat / sind alle drüber zu schan-
den worden / also das sich yhr keyne mehr gerege thar /
Sehen wyr nicht das der gewalt Gottis sur handen
ist. Also hetten sie gedacht / weren sie nicht gar vn-
nig vnd voller teuffel gewesen. Aber trotz sey yhn noch
gepotten / das sie vns den kleynesten buchstaben / oder
eyn titel ym der geschriffte umbstossen / es müste ehe al-
les zu drümmern gehen / wie Christus selber sagt / Denn
Gott

Got hat mit seynen auserwelten eynten saltzbund gemacht / des wird er nymmer hynder sich gehen / Die werck dieses felsen / Deu. 32. sind vnd bleyben on wandelbar / wie er auch selber ist vnd ewiglich bleybē wird.

Was ist aber die ursach yhres gottlosen fürwitzes gewesen / so Christliche artickel zu verdammen? Eben das / Der teuffel müst seyne stinckende böck alle zu samen bringen die ynn seynen Bockstal gehörten. Wesren sie aus Christo gewesen / so lang nū seyn stym ist gehört worden / so hetten sie die selbigen / als seyne schesslen on zweyffel erkennet vnd angenommen / Hetten yhm auch als dem rechten hyrten nachgefolget. Nū aber müssen sie zu faren / richten vnd verdammen / eben das der geyst Christi ynn der geschriffte selber redt.

Damit man sie aber recht vnd wol erkenne wer sie sind / so sihe die zarte frucht / was sie nur für artickel verdammnet haben Wienn vnd Ingolstad / mütter vnd dochter / eyn hire wie die ander / die da alle ehebrecherrey des vnglaubens anrichten vnd treyben / Ja da zu alle reyne breüt Christi nach yhrem willen nöttigen vnd zwingen wollen / wie denn die art ist yhres ganzen geschlechts aller hohen schulen zu vnsern zeytten / da noch keyne ist / die das wort Gottis lauter vnd reyn het angenommen / on die yhn allen müs eyn ketzer grube geheysen seyn / Vnd eyn besonder grosse gnad ist / wo vns etliche erredt vnd erhalten werden (als denn zu hoffen ist) die bey solchen hohen schulen vnter so viel grewels / als Daniel ynn der gottlosen babylon vngeert leben mügen / wie ich denn ihr viel weys vnd kern redlicher Christlicher geleterter menner zu Wienn / derē die hohe schul daselbst nicht werd ist / Vnd wie viel hundert meynestu sind eynwoner zu Wienn / die das wort Gottis nur heymlich stelen müssen? Ach Got las dichs

dichs erbarmen / gib das es eyn mal besser werd / Siehe
die ehr deynes allergeyligisten namens an / Erhöre
vns / die wir teglich bitten / geheyliget werde deyn na-
me.

Aber es will vnd wird besser werden / denn Gott
von tag zu tag yhr schand auch für augen yhrer lieb-
haber macht offinbar / Es wirt der schendlichen Seck
hyntennach niemand achten / ia man wird sie noch an-
speyen vnd verfluchen / hatt es anderst nicht schon ey-
nen guten teyl angefangen / da wider sie nichts helffen
soll / Der den ratt vber sie beschloffen hatt / vnd nu an-
gefangen mit yhn / der wirds hynaus firen / Ruffen sie
ia hell vnd hymel an / den teuffel vnd alle welt / so
wirdts vmb sonst seyn / Der ist stercker des wort wyr
haben / darauff wyr billich trotzen mögen / Vnd eyn
gut zeychen ist an vns / das wyr auff das wort Gottis
trotzen / da zu man die Papisten mit nichten brengen
mag / Sie fliehen die geschriffte wie der teuffel das
Creutz / Vnd sehen doch / das sie sich mit yhrer men-
schen lere nicht schutzen mugen / müssen alleyn fürsten
vnd herren an ruffen / als ob der heylig geyst eyn narr
wer worden / wesse nicht wie er sie beschutzen sollt /
wenn sie gerecht weren. Wie sagt aber Christus / Joh.
xviij? Meyn reich ist nicht von diser welt / sonst wur-
den meyne diener wol drob kempffen. Hörstu / aus die-
sem wort ist offinbar / welche mit dem schwert daran
wöllen / das sie nicht diener Christi sind / sonder sie
müssen diener des widerchristis seyn / der hatt nichts /
denn was er mit seynem betrüg vnd gewalt / vnd mit
dem schwert seynem fischschuppen erhellte / Aber es ist
eyn grösser mit vns denn mit yhm / Mit yhm ist eyn
fleyschlicher arm / Mit vns ist Gott / der vns helffen
vnd vnsern streyt firen wil / Amen.

℞ Wienn

ltzbund ge-
gehen / Die
en on wan
leybē wird.
sen fürwitz
men? Eben
alle zu sa
orten. We
eyn slym ist
als seyne
nen / Herten
folget. Nū
immen / eben
selber redt.
enne wer sie
artickel ver
mäter vnd
e ebreche
/ Ja da zu
en nötigen
yhrs ganz
rn zeyten /
er vnd reynt
kretzer grube
nad ist / wo
als denn zu
unter so viel
kon ungeer
s vnd kett
diem / derē
d wie viel
in / die das
ich Got las
dichs

Wienn.

Sie werden verzeychet die irrigen articke/ voller
ergernis / vnd die da stincken nach ketzerey / so neulich
am Sonntag / dem xij. tag des ienners / auff dis xxij. iare
ynn S. Steffans kirchen zu Wienn / von eynem doctor
Paulus Speratus genant / auff dem predigstul sind ge-
prediget worden.

1 Zum ersten hat gesagt der selbig Doctor Pau-
lus / von den castraten auff deutsch / die verschnit-
ten.

Speratus.

Harr harr / ich müs auff Osterreichisch mit euch
reden / yhr lieben Kesssuppen zu Wienn. Die schötzen
odder verschnitten hemel / heyst man Castramen ynn
Osterreich / dabey verstehe du die geystlichen die sich
der verschneydung / das ist / gelübter kenscheyt berhü-
men. So bekenne ich nü meynen irthumb / das ich das
Castramin fleysch / das ist / Münch vnd Pfaffen zu
Wienn / die verschnitten geheysen hab. Ey wo habe
ich nür hyn gedacht / da ich eyn so grosse lügen thet / die
weyl so gar am tag leytt / das vnter hundertten kaum ey-
ner verschnitten ist? Lasset vns hie sehen was die Wien-
nischen Theologen für eynen titel mit diesem articke
verdienen. Sie verdienen fast wol das man sie die vñ-
gelerten Kesselköpff nennen soll / die nicht wissen was
Castratus heyst / Es stercket auch den titel yhre lateyn
die sie durch alle articke brauchen / Ich het sie auch la-
teynisch drycken lassen / da forcht ich es wurden sich al-
le menschen gespeyen darüber. Wie hab ich dir Castra-
tos odder Eunuchos deutschen sollen? Ich weys wol
was Eunuchus auff triechisch heyst / es reymet sich
aber daher nicht / sonder es bedeut vns hie nichts an-
derst denn Castratus / Vñ aber so heyst Castratus /
nach gütem verstandigen vnd eigentlichen deutschen /
eyn

eyn
wor-
ten
hosfl
Om
sten
noch

müs
seyn
versa
versa
des h
geyst
lus sa
vnd r
den n
wellt
als v
deuts
schne
von n
vnd d
gen w
dem e
vnd se
mit w
helle
hymel
hymel
rir. da
re dar
gelion

eyn verschnitter/mag auch vnd soll fur keyn schampar
wort gescholten werden/on alleyn bey den vnverschnit
ten Theologen zu Wienn/die fur der wellt yhre wort
hofflich beschneyden/wo man aber ym warmen stüblin
Omnia vtriusqz serus ist/da gehet es/als der im ergi
sten offen haus were/Da ist Got weder ym den lippe/
noch ym den nyeren/der heyligen veter.

Denn so das wort verschneyden schampar ist/so
müs desgleychen das wort Beschneyden auch vnreyn
seyn/es zeyget yhe gleich an das gelid/dahyn dich das
verschneyden weyset/So ifts auch nicht sund so eyner
verschnitten ist/voraus von müter leyb vnd von wegen
des hymelreychs/Wie kumptes nū/das disen zarten
geystern/das wort verschneyden vnreyn ist? Höre Pau
lus sagt. Den reynen ist es alles reyn/den vnreynē aber
vnd vnglaubigen ist nichts reyn. Siehe nū/sie wissen
den namen nicht zu verdeutschten/vnter dem sie alle
wellt betriegen/Zweyffel nicht daran/sie sind gleych
als verschnitten/als war sie wissen was Castratus auff
deutsch wird ausgelegt. Das sie geloben sie wöllen ver
schnitten seyn/odder keuscheyt halten/geschihet nicht
von wegen des hymelreychs/sonder der geytz machts
vnd das frey voll vnd faul leben/das sie dadurch erlan
gen wöllen/Vnd der teuffel hats am ersten zu schmach
dem ehlichen stand also angericht. Denn wo dise hohe
vnd selzam gab ist/das sich eyner selb verschneyt nicht
mit waffen/sonder geystlich das er willige keuscheyt
helle von wegen des hymelreychs/da müs auch das
hymelreych recht haben/Vñ aber verfolgen die das
hymelreich das ist das Euangelion/wilchs Matt. an
xix. das hymelreych genemmet wird/Vnd firen falsch le
re dawider/Wer auch wider sie streyct mit dem Euan
gelion/müs der ergift ketzer seyn.

Er hat

2 Er hat gesagt von den kloster leuten auff
deutsch / Sie verreren die natur odder samen ynn
das fleyd odder bettgewand,

Speratus.

Ich merck wol das yhr gleych bald den andern ti-
tel auch verdienen wollt / das man weest / wie yhr dazu
lignerisch seyt. Wer hette gemeynet / das sie so offen-
lich liegen thurstē / Ich weys das ichs nicht also geredt
hab / Sonder ynn meyнем sermon / bey dem achten ar-
tikel hab ich also gesagt. Es ist tausent mal besser
frischlich vnd vnuersagt ausgesprungen / vnd mehr
Got furchten denn der menschen gepot. Vnd als denn
Göttlich zu der ehe greyssen / denn teuflisch sundigen
ynn kloster / Es sey schon natürlich par vnd par / man
mit weyb / wil geschweygen / das man ynn den kloster
anfacht / ich weys nicht was / danon nicht zu reden ist /
damit yhr gelub der keuscheyt viel schendlicher vnd
schwerlicher zerbrochen wird. Das sind gewesen meyr
ne wort / vnd ich weys das sie noch klingen zu Wienn
ynn vieler hertzen / deren die mich gehört haben. Ew-
ren oren ist aber wie der spynnen / was sie ynn sich fass-
sen / das wird zu giffte / obs schon lauter honig safft ist /
Habt yhr nu verrheterisch gen Ungern vnd gen Mär-
hern brieff vnd botschafft schicken mügen / so lang bis
ich doch zu letzt auff die fleyschbanck geben ward / so
schickt ietz auch gen Ofen / da werd yhr meyrer pre-
dig eyn abschrift finden / die myr sampt andern bu-
chern als bald ich gefangen ward / durch Königlich er
Majestat beuelh genomen sind / da werdet yhr meyrer
wort auch also finden. Reuerendissimus Vacienfis /
der Schöpff / dazu pan Lazko / wissen wol wo die pre-
dig ist.

Ob ich

O
hett ich
vnd n
gar zu h
was sch
von sac
mit we
gewese
Ihr ha
ich wey
wer we
anzeyg
fund m
cken he
auff die
nes bru
auff sey
te besu
schlaff
sonst vi
spruch a
ffen erg
dñi mun
das silb
hertzen
ren vnd
W
nen / da
vnd ge
natur /
deln. E
von ley
nichts i

Ob ich nu schon also geredt hett/wie yhr liegt/so
hett ich nichts gesagt denn was die lauter warheit ist/
vnd not zu sagen. Man wil ynn den dingen vnter weyl
gar zu hoflich vnd subtil seyn/vnd niemand gedencen
was schaden daher kompt. Redt nicht S. Paul gnug
von sachen zun Römern am 1. c. Man mit man Weyb
mit weyb habē schand gewircket. Er ist wol als keusch
gewesen als yrgent eyn vnuerschmitter kloster hengst.
Ihr habt etliche sunde die stumeden sund genennet /
ich weys keyne sund davon die geschriffte stümbe. Vnd
wer weest was sund were wenn es die geschriffte nicht
anzeiget. Vnd ia nichts sund ist den was die geschriffte
sund macht/vnd dasselbig sagt sie alles dürr vnd dru-
cken heraus/als Gene. am 38. von dem Ona wie ers
auff die erd lies fallen/vnd verderbets/wenn er bey sey-
nes bruders weib lag. Item Gen. am 49. Wie Ruben
auff seynes vaters lager gestigen ist vnd ihm seyn bet-
te besudelt hat / Leuitici 15. Wenn eynem mann ynn
schlaff seyn samen entgehet zc. Der gleychen sind man
sonst viel/als Leuitici am 18. 19. 20. Exodi 22. Welche
spruch alle bey den vnkeuschen keuschen zu Wienn mü-
ssen ergerlich seyn/wiewol der prophet sagt / Eloquia
dñi munda psal. xi. die rede des herren sind reyn / als
das silber zc. was machts? Ey das sie augen/oren vnd
hertzen / voller vnreynigkheyten haben/was sie sehen hö-
ren vnd gedencen/ist aller schand vnd laster voll.

Wyr sollten vns vnd vnser kinder dahyn gewer-
nen/das wir mit gesundem gemüt kunden reden hören
vnd gedencen von allerley brechlickheyten vnser armen
natur / voraus wo es die nott erfodert davon zu han-
deln. Es müst auch nur eyn schalck seyn der on not da-
von leichtfertiglich schwatzen wolt. So lernen wyr
nichts denn gleyssen/vnd beschönen / vnd ymmer wie
E ij sich

ten auff
men ynn

ndern tla
yhr dazu
so offen
so geredt
chten ar
al besser
nd mehr
als denn
sundigen
ar / man
n kloster
reden ist
cher vnd
esen mey
u Wienn
en, Zw
t sich fast
safft ist/
en Mär-
lang bis
ward / so
ner pres
dern bus
niglich
er meyne
aciensis/
die pres

Ob ich

sich der teuffel ynn die gestalt eynes guten Engels ver-
stellen soll. Ach wenn der vnflat aus dem hertzen we-
re / er wurd sich darnach wol ans den augen vnd oren
machen / vnd aus allen gelidern / Das hertz ist das re-
chte sind haus / da heraus gehet es alles was den men-
schen vnreyn macht.

3 Er hat gesagt / ich lobe die Klöster da die Klo-
sterleut wenn sie wöllen mugen zu der ehe greyssen
Speratus.

Sihe wie gar kunnen dise leut nichts güts sagen /
Alles das sie sagen das müs entweder schutzerisch vnd
bachantisch seyn / odder sonst erlogen / Vnd wenn sie
schon G. tt eyner warheyt beratt / so müssen sie sich le-
sterlich vergreyssen an der selbigen / Ich bekenn das
ich also gesagt hab / Das müssen myr aber gottlose bu-
ben seyn (da hastu den dritten tittel) die das verdam-
men thüren / das Gott selber lobt vnd haben will / vnd
fürzeytten aller welt gefallen hatt / Nemlich Gott
auch ynn Klöstern mit freyem willen dienen / Denn
die Christen heysen die freywilligen an keynen stand /
geberd / zeytt odder statt gebunden / sonder es ist yhr
alles frey. Vnd dise henccker vnd stockmeyster des En-
dechrists / wollen nicht alleyn widder die Christliche
freyheyt / vnd widder den willen der gefangen gewis-
sen / yhres ordens genossen zwingen vnd nöttigen vn-
ehelich zu bleyben / sonder wollten auch andern gerent
aufflegen yhr teufflisch toch des ewigen Klosterglübs /
die noch von allter her eyn furbild anzeygen / wie für
zeytten alle Klöster gewesen sind / Nemlich dar ynn man
also ynn Christlicher freyheyt keusch gelebt hatt / wie
lang es eynem yglichen gefallen hatt vnd möglich
war / Seyt yhr teuffelhafftig worden so last euch doch
beschweren / das euch alleyn nicht gefellt was Gott
vnd

vnd all
Ich w
weys
darum
nicht g

N
ster da
chen ab
seyt w
ich lob
nich m
hett eu
haben
geystli
mag / D
nen bee
geystlic
stehet /
denn ey
paur ga

J
dem ey
oder he
mit eyn
den / he
die eyn
das ist
sey wer
gebe m
thon / w
schriffe
Gottis
werden

Engels ver
herzen we
ten vnd oren
rtz ist das re
das den men

da die klo
be greyffen

güts sagen /
tzerisch vnd
nd wenn sie
n sie sich le
bekenn das
gottlose bu
s verdam
n will / vnd
nlich Gott
en / Denn
nen stand /
r es ist yhn
er des En
Christliche
gen gewis
ttigen vnd
dern gerent
sterglübs /
n / wie für
r ynn man
hatt / wie
d müglich
euch doch
was Gott
vnd

vnd aller welt wol gefiel / vnd das noch für handen ist /
Ich wollt euch solcher klöster vber xx. nennen die ich
weys / ob schon yhr vngewanderten Pascaler nichts
darumb wist / vnd hab noch nie eynen gehört der es
nicht gelobt het vnd billicht das alle kloster also werē.

Wie sollt ich gesagt haben: Also? Ich lob die klö
ster darynn man die statt farren vnd bscheler vom rey
chen almüsen aushelt / für denen keynem frummen man
seyñ weyb oder tochter sicher ist: Sol ich gesage haben
ich lobe die frawen klöster die nicht viel besser / ia ma
nich mal erger / denn die offen heuser sind? da da / das
hett euch gefallen / Summa / Also sollt ich euch gesage
haben / Ich lobe das wesen das vnter dem scheyn der
geystlickeyt / ynn aller wal fleyschliches fürwitz leben
mag / Denn eynere ym ehelichen stand müß sich des sey
nen betragen / aber die fleyschlichen (sol ich sagen) die
geystlichen mugen die wal haben. Für war als es ietzt
stehet / so ist diser stand der geystlichen nichts anderst /
denn eyn offen thor ynn alle vnkeusch / Ligt doch der
pawr gar mit eynander an der sonnen.

Ich hab solche klöster gelobet / vnd lobs noch aus
dem eynigen spruch Pauli 1. Cor. 7. Es ist besser freyen
oder heyraten denn brennen / wilchs allen menschen
mit eynander gesagt ist. Brennen oder gebrennet wer
den / heysst begyr odder hüzige lust des fleysch haben /
die eynere nicht on sundlichen sal vbertragen mag. Wo
das ist / da hat man zu eylen das man yn ebestand kum /
sey wer do wöll / niemand ist hie ausgeschlossen / Gott
gebe man hab gelüb oder nicht gelüb der keuscheyt ge
thon / wie denn ietz durch viel buchlen vol heyliger ge
schriffte vnd treflichen vrsachen beweret wird / die von
Gottis gnaden von iederman gelesen vnd verstanden
werden / das man auch nü dise warheyt greyffen mag /
Sage

Sagt myr aber / ob diser articel yraig odber ergerlich
sey / vnd ob er nach ketzerey / oder ob ewer verdammis
nach euch lugnerischen / vngelerten vnd gottlosen nar-
ren stinck .

4 Er hat gesagt / das kloster gelub thū nichts
hyn zū vber das gelub der tauff / on alleyn das es
yhm eyn ehre sey.

Speratus

Also hab ich christlich vnd recht gesagt / yhr ver-
damment es aber vnchristlich vnd widder recht. Nem-
lich / Es gieng velleicht bas hyn so eyner eyn gelüb
thun wollt / er thett das ym eyner andern meynung /
die seyner Christlichen profession / vnd regel gemessen
were vnd leydenlich / Im solcher meynung / nicht
das er das selbig achtet für eyn new geüb / sonder
gleich für eyn heylsamer erinnerung vnd vermanung
des rechten vnd ersten tauffs gelüb / oder sonst für eyn
warzeychen zu gutem exempel damit er seinen glauben
bezeugen wollt zc. Also werdet yhr auch meyne wort
geschriben finden / ym sermon der zu Ofen ist / Darzu
sag ich noch / Gleych wie Got vns seynen Son geschen-
cket vnd geben hat / vnd ym yhm alle ding / Rom. 8.
Also schencken wir vnd geben vns Got / ym der tauff
gar vnd gantz sampt allem das vnser ist / Das gantz
hertz die gantz sele / das gantz gemüt vnd alle krefft /
damit vns nichts vberbleybt das Gott nicht verheys-
sen vnd geben sey / die weyl wir vns selbs Gott geben
haben

Ist nu aus göttlicher gnad die krafft ym vnser
etlichen / das sie vnckfrenliche keuscheyt halten mugen /
so thun sie wol wenn sie die vnerruckt halten werden
das auch thun frey williglich on alle gelub. Ob sie aber
daruber schon eyn gelub thetten / so würd es geschehen
ym

ym
eyner
ren
glub
dem
vnd
denn
das
ist
Alles
wenn
blatt
der
ber
wilch
den
ben
ber
Gott
seyne
Wo
darinn
nympe
dem
teuffel
leben
lichen
durch
werden
Gott
aller
für

yhm der gestalt / wie ich hie oben gesagt hab / odder ym
eyner andern die sie der geyst yhres glaubens selber le-
ren wird / Also / das solch gelub nichts vber das tauff
glub hynzu thut / oder besser macht / sonder noch vnter
dem tauff gelube daher gehet vnd alles das guts an
vnd ym yhm ist / da selbst her nympt / geschweyge
denn / das es dem tauffs glub ettwas geben sollt / oder
das selbig besser machen. Was ist das tauffs glub? Es
ist glauben / vnd ym glauben seyn fleysch erwurgen.
Alles das nicht aus disem glauben ist / das ist sund / vnd
wenn eyner Englische keuscheyt gelobet hette.

Sihe aber / wie wyrffte sich die gottlose kutt / vnd
blatt auff. Ist ihr gelub der keuscheyt aus dem glaubē /
der die gerechtikeyt ist / so wird es nicht aus yhm sel-
ber gerecht vnd gut seyn / sonder aus dem glauben / aus
wilchem glauben der mensch selber müs gerecht wer-
den / ehe denn er yrgent eyn gut werck thon oder gelo-
ben mag / des mir denn die Tochter Ingolstat auch sel-
ber zu sellt ym ersten artickel wider Ursacium / Das
Gott am ersten Abel hat angesehen / vnd darnach erst
seyne gaben vmb Abels willen / der yhm danor gesiel.
Wo her nympt sich denn dise schmach des glaubens /
darinn sie yhr gelub vber das tauffs glube erhebe? Sie
nympt sich nicht aus dem glauben / sonder sie müs aus
dem vnglauben seyn / vnd wie Paulus sagt aus der lere
teuffels / Inn diser aller grösten sund / ist alle yhr kloster
leben nichts denn lautter sunde vnd lesterung der Göt-
lichen ehren vnd seynes heyligen namens / der alleyn
durch den glauben ym vns kan vnd mag geheyliget
werden. Tu hastu aber mals das sie alle mit eynander
Gottlos sind / die disen artickel verdamet haben / O yhr
aller liebsten burger vnd brüder zu Wienn / huttet euch
für disem gottlosen grewel.

S Er hat

der ergerlich
er verdammis
ottlosen nar-

thü nichts
leyn das es

gt / yhr ver-
echt. Nem-
er eyn gelub

meynung /
gel gemessen
nung / nicht

üb / sonder
vermanung

sonst für eyn
ren glauben

meyne wort
ist / Darzu

son geschen
g / Rom. 8.
m der tauff

Das gantz
alle kreffte
ht verheys
Gott geben

yhm vnser
ten mügen /
en werden

Ob sie aber
geschehen
yhm

5 Er hat gesagt / Es muge keyne sunde bey dem glauben bestehen. Speratus.

Mich wundert das yhr Sophisten vom glauben vnd von der sunde reden thuret vnd wisset so gar nicht was glaub odder sunde ist / Ich hab also gesagt / Das erst vnd recht gelüb des tauuffs / lasst sich nicht bynden wider an sonderliche werck noch stett oder zeyt / Inn allen wercken / an allen ortten / zu allen zeytten / soll eyn Christ güte werck thun / thut auch güte werck / wo er anderst eyn rechter Christ ist / thut alleyn böse werck / so viel er zu zeytten mercklicher vnd mercklicher ym glauben schwächer wird vnd abnympt / darumb er den yhe weniger vnd weniger eyn rechter Christe / genennet vnd seyn / bewisen wird. Vnd die weyl nichts desse weniger eyn yglicher rechter Christ / eyn sunder ist vnd beleybt / So müssen nicht alleyn güte werck aus dem glauben seyn / sonder auch ettlich sunde nicht fur sunde vmb des glaubens willen von Got gerechnet werden / Wie der prophet sagt / so du sunde ansehen wilt / Herr / wer kan fur dyr bleyben / psal. cxiij. zc. Also werdet yhr meyne wort finden / ym sermon.

Es sey aber also / das ich wie yhr fur gebet geredt solt haben / das keyne sunde bey dem glauben bestehen müg / noch were das Christlich vnd recht gesagt / Davon höret den Apostel reden / müs er anderst nicht auch ewr ketzer seyn / Der sagt also / Rom. viij. Ich habe lust an Gottis gesetz nach dem ynwendigen menschen (das ist / nach dem geyst der ynn mir aus Gott geboren ist) Aber ich sehe eyn ander gesetz ynn meynen gliedern / das da wider streydet dem gesetz ynn meynem gemüte / vnd nympt mich gefangen yn der sunden gesetz / wilchs ist ynn meynen gliedern. Vnd eyn wenig bas droben sagt er / So ich aber thü das ich nicht will / so thü ich das selbig

das s
ynn r
hatt
sch w
die g
ser ge
selbig
ist da
bey er
steher
ietz m
des te
hang
der v
das d
müger
Paulu
ve: da
Vnd l
macht
dem g
Die su
nicht
y
das se
myr d
das gl
besteh
yhre k
war w
Aber i
die ge
wilche

das selbig nicht/sondern die sünde die ynn mir (das ist
ynn meynem fleysch) wonet/Als er gleich davor gesagt
hatt/ Ich weys das ynn mir/das ist ynn meynem fleysch
wonet nichts güts. Aus disen Worten ist klar / das
die gerechtigkeit ym geyst bestehet / vnd das neben die-
ser gerechtigkeit (das ist) neben dem glauben ynn dem
selbigen geyst kein sünde mag bestehen. Denn der glaub
ist das licht / vnd die sünd die finsternis / wilche zwey
bey einander ynn eym geyst nicht bestehen mügen. Be-
stehet die sünde darynn / so müs der glaub fallen vnd
ietz nicht mehr der geyst Gottis seyn / sonder der geyst
des teuffels. Disem geyst oder ynwendigem menschen
hanget wol an das fleysch vnd der auswendig mensch/
der voller sünd vnd vngläubens sticket/was gehet aber
das den geyst vnd ynwendigen menschen an? Noch
mügen die selbigen sünd auch nicht bestehen / Denn
Paulus hernach ynn dem viij. cap. sagt / Es ist nichts
verdamlchs an denen die ynn Christo Ihesu sind /
Vnd hernach. Das gesetz des geysts / der da lebendig
macht ynn Christo Ihesu hatt mich frey gemacht von
dem gesetz der sünden vnd des tods / Als sprech er /
Die sünd ist wol für handen ym fleysch / bestehet aber
nicht/ sie müs vntergehen/ müs nicht gerechnet werde
Nü was ist doch der rechte glaube anderst/ denn
das festt vertrauen durch seyn wort zu Gott / er habe
myr durch Christum all meyn sünd vergeben? so ich
das glaub / so ist yhe keyne sünd mehr für handen / die
bestehen odder schaden möcht / die weyl die sünd all
yhre krafft durch solchen glauben verleurt. Das gesetz
war wol eyne krafft der sünde / wie Paulus 1. Cor. 15.
Aber ietz ist der glaub eyn krafft der gerechtigkeit / Ja
die gerechtigkeit selber / vnd eyn tod der sünde / ynn
wilchem vns (Gott sey danck) der sieg widder die
S ij sünde

sunde durch Ihesum Christum geben ist / das sie wider vns nymmer bestehen kan. Aber bey der Sophisten glauben / mügen wol bestehen allerley sunde / Ja er ist eben der rechte grund aller sunden / Denn sie achten Christum nicht für den / der alleyn gnug habe thon für yhre sund / vnd yhn verdienet gerechtikeyt / Sonder das er alleyn darumb kommen sey / das er sie lerete wie sie selber durch yhre eygne werck sund büßen vnd gerecht werden möchten / das ist nu eyn zwifaltige gottlose abgötterey die sie treyben / vnd alle wellt leren / das ist / da mit eyn blinder den andern füret / vnd beyde ynn die gruben fallen / O yamer vber yamer.

6 Item zum hon vnd zur schmach den versperren Klostern / hat er gesagt / kumer dich nichts vmb deynen Gardian oder prior / wenn die versuchung des fleysch ynn dich kompt / vnd hat noch auff deutsch hynzu gesetzt / Spring heraus aus dem kloster.

Speratus.

Das verantwort ich mit eynem eynigen wort wilchs nicht meyn ist sonder S. Peters. Man müs Gott mehr gehorchen denn dem menschen / Acto. 5. Wenn der Prior oder Gardian sagt / Nicht wird ehlich ob du schon prennest / Sprich du neyn / Paulus gebent 1. Cor. 7. Es ist dem menschen gut das er keyn weyb berure / aber vmb der hurerey willen habe eyn yglicher seyn eygen weyb / vnd eyn ygliche habe yhren eygen man. Darumb so ich befind / das ich zu eynem mann beschaffen byn / der eynes weybs nicht geraten kan / Ehe ich will wider Got hurerey oder noch eyn ergers treyben / ehe will ich wider dich Prior vnd Gardian vnd wider alle wellt sundigen / denn wider du noch niemand für mich gen hymel oder gen hell faren wirst.

Sihe aber wie sie so feyn aus der geschriffte reden.

Sie

Sie st
Wen
Ebe
legen
ch lug
warh
sunde
Denn
sie ver
yglich
abgez
tzen k
rey zc
Darun
ynn v
herr
versu
weldi

der od
als da
auff d
Sum
schaff
wyr s
so ist d
selb v
sie sich
ym sen
Gott
zelet/
geben
len fer

Sie stellen den artichel also/das ich soll gesagt haben/
Wenn die versuchung des fleyschs ynn dich kompt/
Eben wie gleych das der geschriffte geredt ist/also war
legen sie mir dise wort zu/das sie abermals hie zu gley-
ch lugner vnd gotlose sind. Die geschriffte sagt was die
warheyt ist. das die sundige lust nicht ynn vns kompt/
sonder sie ist von Adam ynn vns / vnd ist vnser natur.
Denn yn sunden sind wir empfangen vnd geboren vnd
sie versucht sich selber/wie S. Jacob sagt Jaco. 1. Eyn
yglicher wird versucht/wenn er von seyner eygen lust
abgezogen vnd gelockelt wird/also/das aus dem her-
tzen komen arge gedanken/mord/ehebruch/vnd hure-
rey zc. Matt. 15. Komen nicht von auswendig hyn ein.
Darumb so wyr bitten ym vater vnser / Süre vns nicht
ynn versuchung / ifts so viel / als bekenneten wyr / O
herr wyr stecken voller böser lust / die vns ymmerdar
versucht/nicht süre vns dareyn/das sie vns nicht vber-
weldigen.

Das wyr aber sagen/der teuffel oder die böse welle
der oder diser gegenwurff hat mich versucht / Ist eben
als da Adam die schuld auff die Eua / vnd die Eua
auff die schlange leget/warē doch selb schuldig daran/
Summa/wenn vnser natur an yhr selbs güte vnd rechte
schaffen were/kund vns niemand versuchen. Vnd ob
wyr schon der versuchung eyn andere vrsach geben /
so ist doch ynn der warheyt die böse natur alleyn yhr
selb versucher/die an andern eyn vrsach nympt/damit
sie sich selb versuchen müg. Ich hab aber also gesagt/
ym sermon oben bestympt. Nu laß mir sie frey durch
Gottis willen / Versperr mir die nicht die Gott ledig
zelet/Wiltu es nicht thün/so sollen sie mehr auff Gott
geben/ia deyn gar nicht achten. damit sie aus der hel-
len kenen. Das ich aber von der versuchung gesagt sol
S ij haben

as sie wid-
der Sophi-
sunde / Ja
enn sie ach-
t habe thon
yt/Sonder
e lerete wie
en vnd ge-
altige gott-
welle leren /
/ vnd bey-
mer.
en versper-
ichts vmb
ersuchung
noch auff
aus dem

ort wilchs
Gott mehr
am der Pri-
b du schon
Cor. 7. Es
cure / aber
eyn eygen
t. Darumb
effen byn/
y will wi-
en/ ehe will
wider alle
d fur mich

iffte reden.
Sie

haben ist nicht war, Denn auch die / so das wort woll
fassen vnd begreyffen / das sie ledig vnd vmerheyrat
bleyben sey besser / nichts deste weniger versuchung
dulden müssen / Vnd wenn sie der gar frey weren /
möchten sie für die keuschen die sich von wegen des by-
melreys verschneyden nicht gezelet werden / Denn
Paulus sagt / Rom. 12. Die krafft wird durch schwach-
heyt stercker / Also das auch ynn der größten keuscheyt
die gröst versuchung der vnkeuscheyt ist / sie wird aber
durch Gottis gab vberwunden / das man nicht da
durch ynn fall gedrungen wird. Hie reden wyr alleyn
von der versuchung / dadurch einer also gebrennt wird
das ers nicht vber wynd / odder nicht vberwinden kan
noch will / Da müs man sich an nyemand keren / vnd
nür getrost dahyn auff das wort Gottis appellieren.
> Er hat gesagt vnd gepredigt Lutherisch mey-
nung vnd lere / die verdampt sind.

Speratus.

Hie macht yhr euch offinbar selb zu lügnern / Denn
on zweyffel hettend yhr eynen solchen artickel nur den
wichtigsten / gehöre von mir / so yhr Lutherisch nennet do-
ch Ch-istlich sind / Ich müst sehen mal eyn ketzer seyn /
Ihr würdet yhn am ersten haben gesetzt als den haupt
artickel / Nü nennet yhr keynen / yhr wißt keynen /
Trotz sey euch auch geboten das yhr eynen wider mich
auffbringet / Ihr lügner / Salua grammatica.

8 Er hat gesagt von den schulgelerten / du heyst
schulgelerter / wer besser du hießest gottis gelerter.

Speratus.

Ly wilch eyn grosse sund das ist / on zweyffel eyn
sund inn den heyligen geyst / Wer magts vergeben? Ich
bekenns / Ich wollte das die schulgelerten zu Wienn
wurden Gottis gelerten / das soll nymer mehr seyn / son-
der vber

der vb-
vnd be-
heysen
haben
sonst b-
sie wöl-
mit dis-
sollt eu-
das w-
nicht /
oder w-
so wil-
von de-
Das y-
melten
yhr me-
Aber ic-

D
artickel
verant-
sonst m-
müst w-
ten wi-
haben
schehe-
chten
hynfin-

gottlo-
yhrs e-
offinb-
nicht a-
wie w-
nen w-

der vber vorgemelte titel sollen sie noch den verdienen
vnd behalten / das sie verstockte widerchristen alweg
heysen müssen / Augen haben vnd nicht sehen / Oren
haben vnd nicht hören noch verstehen / sie möchten sich
sonst bekeren vnd selig werden / da sey Gott für / denn
sie wöllens also haben / darumb müst du Gott verkert
mit disen verkerten seyn. O lieben tollen Pascaler / ich
sollt euch theologen nennen / das ist Gottis gelerten /
das wölt yhr nicht haben / vnd billich / denn yhr seyt es
nicht / wöllts auch nicht werden. Sagt mir aber / wer
oder was ist Gott vnd Christus aus aller ewrer kunst?
so wil ich euch gewinnen geben / Aber yhr wißt nichts
von den dingen / vnd wöllt dennocht Christen seyn
Das yhr nichts davon wißt / ist offinbar aus obge-
melten articeln / nicht mehr will ich tetz sagen / Wöllt
yhr mehr haben / so suchts / on zweyfel yhr solts finden.
Aber ich wöllt / wers möglich / yhr bekeret euch / amen.

Das ander geschwetz betreffend Doct. Carlstads
articel / gehet mich gar nichts an / Darumb ichs nicht
verantworten will. Christum hab ich geprediget / vnd
sonst niemand / den habt ihr also verfolgen wöllten. das
müst werden offinbar / damit man sich für euch zu hüt-
ten wisse / darumb ich euch auch hiemit will geantwort
haben / Bessert yhr euch nicht dar aus / so müs ichs ge-
schehen lassen / noch hoff ich so man euch aus disen frö-
chten erkennen wird / das yhr so viel deste weniger
hynsirt werd ynn der kirchen schaden thun.


Es ist keyn ander weg für handen / denn so yhr yhe
gottlos vnd verdampft wöllt seyn / man gedencf das
yhrs euch alleyn seyt / Es kan aber nicht seyn / man
offinbar denn euch der welle wer yhr seyt / damit ob
nicht allen doch etlichen (das Got wöl) geraten werd /
wie wol wyr auch euch dadurch Christo gern gewyn-
nen wöllten / amen.

Wittemberg. 1524.


Faint, illegible text, likely bleed-through from the reverse side of the page.


Er















um andern
leben kan/
u/das yhr
onser ding
ver da hat
der verlas
befelh euch
nn die seyn
bitter auch
an das ich
apisten zu
n / das ich
. Ich byn
sig als ich
is geprech
solt billich
solt. Seyt
gnade sey

20. 78

